

叢書集成續編

第 104 冊
集部
上海書店



第一〇四冊目錄

集部

別集類

漢濱集十六卷	宋·王之望撰	(湖北)	一
侍郎葛公歸愚集十卷補遺一卷	宋·葛立方撰	(常州)	二二七
誠齋策問二卷附校勘記一卷校勘續記一卷	胡思敬撰校勘續記	(豫章)	二七七
魏文節遺書一卷附錄一卷	宋·魏杞撰	(四明)	三二一
梁谿遺稿二卷補遺一卷附錄一卷	宋·尤袤撰	(常州)	三五七
竹軒雜著六卷補遺一卷	宋·林季仲撰	(永嘉)	三七七
艮齋先生薛常州浪語集三十五卷	宋·薛季宣撰	(永嘉)	四一七
止齋先生文集五十二卷附錄一卷	宋·陳傅良撰	(永嘉)	七〇三
定川遺書二卷附錄四卷	宋·沈煥撰	(四明)	九九七

欽定四庫全書

集部四

提要

別集類三 南宋

漢濱集十六卷

臣等謹案漢濱集十六卷宋王之望撰之望字瞻叔襄陽穀城人後寓台州登紹興八年進士第累遷太府少卿孝宗即位除戶部侍郎充川陝宣諭使洊擢至叅知政事勞師江淮為言者論罷乾道元年起為福建安撫使

欽定四庫全書

漢濱集
提要

加資政殿大學士移知温州卒事蹟具宋史本傳錢溥秘閣書目載有之望漢濱集而佚其冊數焦竑經籍志作六十卷然趙希弁陳振孫兩家俱未著錄則宋代已罕傳本後遂散佚不存今從永樂大典中採撮綴綴所存什之三四而已之望當秦檜柄國時落落不合人咸稱其有守其登官亦頗著政績惟在隆興時力主和議與湯思退相表裏專以割

地啖敵為得計而極沮張浚恢復之謀考宋

南渡之初自當以北取中原為務然惟岳韓

諸將可冀圖功張浚狼狽迂疎但急於立功

以固位實非可倚以恢復之人一敗於富平

而喪師三十萬再歟於淮西而叛逃者七萬

三挫於符離而喪師又十三萬債轅悞國其

驗昭然講學家以張桴之故回護其父殊未

免顛倒是非之望之沮浚不可不謂之知人

欽定四庫全書

漢濱集
提要

至其論和議之策以為南北之形已成未易相兼惟當移攻戰之力以自守然後隨機制變又以為金人制勝之謀舉無遺策加以器械之利形勢之便雖漢唐全盛之時猶未能輕此敵而況於今日其斟酌時勢以立言與史浩意頗相近亦不可謂之不知時務特其朋比小人附和權倖與浩之出於老成忠盡者不同又湯思退所主者乃六國賂秦之計

與浩之主於持重俟釁者亦復迥異故當時
重為人所抨擊而宋史亦極不滿之誅其心
也至其詩文則皆疏暢明達猶有北宋遺矩
諸劄子亦多足以考見時事與正史相參未
可遽廢謹釐為十六卷著之於錄庶其人其
文是非得失各不相掩焉乾隆四十六年十
二月恭校上

總纂官 臣紀昀 臣陸錫熊 臣孫士毅

漢書

總校官 陸費墀

欽定四庫全書

漢濱集卷一

宋 王之望 撰

賦

三王之道若循環賦

以道若循環代為終始為韻

百代稱治三王最隆各垂統以相繼若循環而罔終所尚不同要舉偏而補弊其周必復斯迭用以無窮稽古史之遺言見先王之政理雖革而信之者事有新故然因而循之者道無彼此列三正而異物闕彼盛衰旋一

欽定四庫全書

漢濱集

卷一

化而無端代為終始夏繼虞軌商因夏基或以忠而為治或以質而制宜暨彼周家之盛繁然文教之垂用有還復弊斯改為異世殊時雖靡聞于沿襲同條共貫曾不泥於操持上下千載之間周流六虛之內秉五德以迭王類四時而更代樞始得兮弛張無執柱不膠兮變通斯在本人情而立政時有污隆法天運以求端迹無留礙前之二帝兮其道淳而未備後之五霸兮其風駸而不純備乃盡變純斯可遵惟三代之甚善宜百王而

是因所遇殊塗琴更張而或解其歸一揆規宏遠以相

循觀其先聖垂休後王繼作有可因而可革故或稽而

或用能歷萬世以無弊關百聖而不忤知其或繼宣尼

推損益之原舍則無由揚子述太平之畧逮乎桓文以

後秦項而還霸道既穢王功孰攀喜利名者操賞罰而

為柄善攻戰者生奇正以如環絕紐莫續異端曷刪所

以宣帝勵精自用漢家之制封倫飾辨力言唐制之難

異哉史遷明救僊之宜董子陳用忠之道約當世而不

欽定四庫全書

漢濱集

卷一

悖載前書而可考方今欲一變周家之文弊則宜稍復于夏商回狂瀾于既倒

以德為車賦

運啟元后天臨廣居握至權而負宸忒德盛以為車位正當陽式誕敷于利器術周御俗協順動于皇輿王者受命應時繼天立極以何道而諸侯順軌以何階而百官承式遵適治所由之路必有其資為積中不敗之車莫如以德粵若子育北姓君臨九埏篤實輝光之有照

剛柔正直之無偏陷中庸而美俗思簡易而承天動靜

有節周旋罔愆數自清躬爰顯懋昭之化行乎正道初無說遇之權彼其合乎天地者是惟益軫之儀中乎規矩者厥有輪輿之旨文章諱旂常之制聲教協鸞和之美惟積載以能然故安行而得以無反無側獨由仁義之塗不處不留遠襲帝王之軌豈不以據崇高之勢享盈成之基惟為之而行者我無失道則動罔不吉者物皆得宜凡此敦臨之術必資厚道之為虞舜升聞實由

欽定四庫全書

漢書

三

行于本性唐堯先被亦廣運於當時若乃當軸於上者皆咸有之臣鄰得與于下者有偏為之衆庶我乃肅禮貌以自立攬機權而外附由亨衢而出入動靡顛危總柔轡以馳驅行無違遽其或外靡允修之實內乖攸好之心致遠兮才非所及載重兮力非所任曳輪弗濟亂轍相尋所以揚子著書智匪豐弁之用夏王有訓欽惟朽御之臨異哉上奉皇天下臨赤子克謹日休之念斯盡時乘之禮當今規模宏遠欲方駕於唐虞肯半途而

遂止

季秋大饗帝賦

以時當季秋天子饗帝為韻

君欲必祀禮宜順時惟是季秋之月允為大饗之期歲事告成爰屆備收之候天神可格式陳遍祭之儀稽記月之遺文見事神之至意既祭于郊兮著貴誠尚質之禮又為之饗兮申報本反始之義惟三代祀天之舉悉用夏正而比年旅帝之常屬當秋季斗既建戌辰俱集房寒初至而入室歲已登而築場舉帝籍之收歛入神

欽定四庫全書

漢書

四

倉而益藏欲享於上斯時則當三務成功方授時於昧谷五精降德遂宗祀於明堂時厥明王類于上帝略問卜之末節舉用辛之定制席三重而絳禮具陳樂六變而高靈下濟候無射之良月肆藏多儀合太微之貴神爰稱盛祭蓋以歲遍者祀物成在秋百穀之要既舉五天之報宜修考以漢儀當後時於廟耐求諸唐典每寓禮於郊丘且夫御世而王事天猶子重其祀所以致欽崇之道謹其時所以明奉若之旨授衣既畢成民之義

斯存侑座俱尊嚴父之誠在此及乎簡編殘缺識緯流傳論不根於據古說多失於誣天時既弗正名因靡專具迎長啟蟄之文禘郊亂矣立耀魄感生之目稱號紛然嗚呼降衷者其道至尊臨下而厥靈不爽有明德則可薦非克誠而莫饗上方儲精垂思以交神於布政之宮故曰惟聖人而能饗

古體詩

七夕

欽定四庫全書

漢書集

五

西風吹繁暑夜氣初宜秋所居稍虛豁得以消我憂獨眠堂中央一榻無衾裯開軒敞南北涼颼入脩脩是日七月七三星已西流殘雲不成雨縹緲當空浮雲行忽中斷月彩爛不收影落庭樹間枝葉如雕鏤草根有小蟲微吟作啾啾豈復厭喧聒更覺窻戶幽我欲終今夕飛蚊不相謀喧我復齧我驅去嗟無由但當我自屏豈與汝輩仇閉門歸下帷蝶夢尋莊周

雜詩四首

有憂烏啼門有喜鵲噪廬主人聞啼噪喜鵲唾老烏吉凶寔由人烏鵲何與乎但知預相報其智各有餘人智不如烏貪喜忌憂虞遂於烏鵲間憎愛乃爾殊福至自福至禍來貴先圖二鳥孰有益嗟哉主人愚

春蠶口吐絲主人皆仰供蜘蛛絲滿腹祇能打飛虫衣服與網羅利害豈可同蠶生旬月老蜘蛛無春冬蠶食惟草木蜘蛛肉食豐蠶以繭自縛蜘蛛掛青空蜘蛛有餘毒春蠶有餘功受報乃如此天理不可窮

欽定四庫全書

漢書集

六

龜肉不可食蟹螯不中卜龜以殺為戕蟹以味見戮所養殊穀豹所亡等賊殺一足致患害內外皆鴆毒嵇康坐才死霍禹以勢族樂哉蟹螯中貯此老龜肉江發岷山陽河出崑崙趾淵源既洪深浩浩并眾水東流至渤澥曲折萬餘里經山無重數過郡不知幾海邊有小溪近出海山裏未能數里間已接潮波起到海雖則同難與江河比

書懷

羣山岸東海茲地真斗絕洪濤渺翻天朝夕吐日月雖
同一宇宙迥與朝市別三山在咫尺芝草吾欲擷未能
仙骨輕稍浣衷腸熱從我其誰歟乘桴曉當發

百年胡為哉萬事聊復爾功名早有意貧賤昔所恥歲
月忽蹉跎少壯何足恃身外非我有毫髮不可致惟有
一寸心俯仰要無愧歸去來山中高人未我鄙

村居何所樂春至木欣欣夜睇海上月晝瞻嶺頭雲東
家有勝士杖屨自相親山行共采蕨野步仍班荆初見

欽定四庫全書

卷一百一十五

七

氣已合久游意彌真劇談復痛飲相對有餘情

海邊寂寞村春半芳菲月東風所至處陋境亦佳絕壠
麥已翻芒山花自成列愁腸不堪斷預畏柳飛雪更憂
鷓鴣鳴坐使衆芳歇白日不可留請試餐玉訣

山居

山居入長夏草樹遶我屋微風拂披之有聲來蕭蕭歲
筵搖落影掩然飄暗馥有台開數花孤芳更清淑我卧
在北窻下枕睡方足挹此一襟涼冷然若堪掬坐使萬

慮空樂哉謝羅東有同顏氏子坐忘遺耳目又如慧可
師安心得歸宿落日行庭前披衣自捫腹間扶舊僂石
細數新上竹小禽時下來相鳴入叢簇見我不驚飛人
禽兩幽獨

登第後投魏侍郎

空山學仙子舊識安期生青霄許相接凡骨難為輕一
朝行業滿九轉丹砂成安期忽東來從帝遊玉京下視
一笑莞依然有餘情借我白雲居巢以虹蜺旌攝身出
紅塵隨君凌紫清機會倘一失千載何由丁

欽定四庫全書

漢書

八

漢南晤魏侯彥誠魏侯贈詩期依韻和已而荆
門授代歸鄉裏務冗甚未果答既離襄陽舟中
追和

白頭有如新傾益或如故乃知意氣間投分自有處魏
公使漢南風來聳一路凋殘濡膏澤冤訟廓氛霧游刃
若發矧調琴不膠柱平生不相識見我國士遇盃盤倒
箱篋笑語雜庖廚豈惟傾肺腑便可託嬰孺慰我疇昔

心何啻封萬戶離鵬峴山曲握手惜歡聚江風吹行色
短棹不得住臨歧亦何言加餐納多祜

道中寄丹丘親舊

別處日已遠別情轉綢繆行行千里餘脈脈無時休夜
與夢相隨晝與淚俱流山高恨不斷水闊遮無由欲吞
不下咽欲吐不出喉戰我胃肺間有如魚掛鉤尋端無
從來了知在心頭翻疑一寸心能容如許愁平生丈夫
氣愧此鬚髭虬朝來看蓬鬢滿鑑霜雪浮

欽定四庫全書

漢清集

九

上李丈尚書

天孫司經緯專巧上帝旁星縷日月針幾經補蒼蒼弭
節遊人間帝服無文章寒女一機素未知作衣裳再拜
願祈巧精神通渺茫但恐雲車回虛無徃路長

亭亭澗阿松冰雪何青青千歲已枯死流膏生茯苓雖
無歲寒姿氣味猶典刑塵土久埋沒誰能驗仙經置君
藥籠中儘可延年齡

蓬室有姝女顏色耀朝暉幽獨人未識嬋娟心自知高

堂懸寶鑑美醜良不欺借君一寸光為妾照娥眉念當
有所適辭親結羅衣常恐妾命薄失身輕薄見安得謙
婉人白頭同所歸

魏彥誠見示出守廣德朝士送行詩用韻追賦
肅肅松栢姿春月漸蒲柳但看霜雪後何者能不朽君
昔辭鴛鴦出為小邦守治行達明聽眷知從此厚至今
兩郡碑德政刊瓊玖醒醞熟雖遲要成宗廟酒

食橄欖有感

欽定四庫全書

漢清集

十

余初食橄欖眉蹙口欲吐稍稍滋味之久乃見媚嫵曲
終喜奏雅先病得後愈功成老大時亦足耐嚼咀余生
足憂患備已嘗險阻猶如夢中燕自習夢中苦不知苦
盡處回味有幾許古人倒啖蔗佳境貴漸取但問有與
無遲暮有猶愈君看道傍李棄置終泥土

書白氏長慶集

我愛樂天文平易更精切筆端應有口心事無不說游
戲供事用工巧疑天設迷情悉毫釐辯理窮曲折如我

本欲言挽我開齒頰如人病瘡啞代我傳喉舌驚駘擬
舉步駿足過如瞥弱弧未及彎彊弩已穿札撫才初自
愧適意還深愜讀盡一編詩胃懷消百結

移竹

借宅開小軒自移一叢竹悠然北窗下意色都不俗晴
影終日幽風聲秒秋肅最憐疎雨過會有白雲宿深培
畏不壽靜對殊未足主人已虛心坐客亦青目四村多
修篁玉立森如束不為人所愛况復因斤斲天姿奚優
劣地遠懸榮辱物情豈固然世事同一躅何當尋怪石
小壘傍寒綠要收山林趣密置軒檻曲西峯設多奇吾
方倦遐矚

吳傳朋遊絲書

鳥迹既茫昧文字幾變更達者擅所長各就一世名衆
體森大構造化無畱情獨此遊絲法千古祕未呈右軍
露消息筆墨無成形偉哉延陵老三紀常研精絕藝本
天得非假學力成應手快揮灑援毫謝經營奮迅風雨

疾飄浮鬼神驚風狂蛛網轉春老蠶咽明直如朱絃急
曲若卷髮紫飛梭遞往復折藕分縱橫獨繭縑不斷風
驚騰更輕希微破餘地絕妙無容聲飛白笑冗長堆墨
慚鼓亨可憐太纖瘦不受錫瑤瓊咨爾百代後若為求
典刑

病後戲贈同官蔣子權

吾衰繆養生任運常坦坦每櫻相如病漸作叔夜嬾昨
因觸大暑留熱在膈腕醫師戒飲酒所嗜不可斷寒熱

一朝作水火互濯熯地偏無藥餌伏枕但憂悵同僚有
蔣子典俊流輩罕作詩宗徐庾巧語如繡纂間有少陵
風醇玉調音琯豈惟詩家秀從政今可算牢盆有出納
曉夕親授管琴瑟費更張君能時急緩公餘治方書今
昔多所續有來謁疾病手自施湯散買藥輟俸錢為民
已痼瘡我昨病在床君來問尤款教我煮橘皮湯熱過
冰盤繼送桔梗湯一杯去煩懣柴胡作引子汗出如被
趙所投立見効病去若水洗乃知才藝多所蓄非竊竊

又聞善騎射長箭必引滿設侯六十步所發無虛斡觀
君精悍姿此語不其亶獨於圍碁低尺固有所短向來
屢小勝喜氣輒衍衍我欲張以羸不令見矛積侈心益
驕汰出語頗夸誕不知小敵堅一敗石破卵大戰決雌
雄遲君落新館

贈范覺民

范子廊廟器至寶非凡璞負懷吞雲夢豪氣低華嶽昔
在童稚時樹立已卓卓裾橋門內蘄然見頭角歲行

欽定四庫全書

漢書集
卷一

十三

在辛丑帝策詢民瘼造庭百十人衣帶矜獲博平居議
執政至此舌為拮獨餘子范子雅志不可奪吐辭如湧
泉一發孰能遏揮毫不停綴盈卷無點抹漢庭執戟郎
環顧皆錯莫縱橫五十字字字醫國藥期于必伐病非
徒事迂濶怪言一驚衆士論嘆且愕皆云布衣流志在
縻好爵乃爾張危言身謀胡太錯當時聲宗匠其間多
齟齬指言為沽直欲使趨鼎鑊堂堂春官臣主張獨何
確讜議既冰釋衆口不能鑠乙科忽大闡秋天一鵬鶚

傳誦爭取先紙價為翔躍聲華頓輝赫藹然暨南朔憶
昔客東都猥廁英遊數每於談論間議講聞謬誦語
非沽名生平真所樂乖離三四載遣我情懷惡問者見
眉宇颯然意氣豁亟使羅酒漿沉沉動清酌秉燭夜相
對談詞姿朝譔公卿頗歷詆治亂亦商畧間出新詩篇
清製皆灑落祇懷蒼生憂肯為窮愁作少陵不忘主氣
味若相若倘使任言責必有裨惟帷柰何諫諍姿久矣
滯丘壑似聞廟堂上知已被新渥一公承烏臺一公相
黃閣吾君望太平二公緊深託薦賢乃報國有子翔寥
廓

送黃叔愚赴平江教授

人生水中萍泛泛隨波瀾偶然成聚散誰使為悲歡伊
余從君遊兩見歲履端相得恨不早相見常若難今又
舍去我覺我肝腸酸君誠湖海士豪氣老不利劇談憤
世俗怒髮時衝冠向來對宣室見晚帝興歎落落不苟
合棲遲猶冷官高才徒白首未許陪鶯鶯蘓臺今輔郡

欽定四庫全書

漢書集
卷一

十四

舉頭見長安會看有追詔祝君且加餐吾衰釣滄溟羊
裘侶魚龜逍遙各有適快親扶搖搏尺書倘見存慰此
離憂寬

初至鴻祐成二百字

我生何悠悠飄搖若懸旌已破龍華夢復成鴻祐行鴻
祐在何許海濶山崢嶸地侵魚龍窟路與猿猱爭曉日
見初出潮波無時平我來秋薄暮寒雨紛縱橫狂飈振
林麓窻戶皆有聲山鬼夜中號恠禽籬外鳴我衰不能

欽定四庫全書

漢淵集
卷一

十五

寐起行進天明欬然念身世百感襟袍盈仲宣昔遭亂
避地之蠻荆登樓賦懷土悽傷欲無生況我滯甌越八
見秋風驚惺惺一州間蕭寺六易名余生丹丘常寓已
僧舍今六徙矣
去還復來如魚被鈎攫去既無所之來亦何所營慕養
誠不充萍蓬甘所丁茲地實樂土浮生聊偶耕鵲原喜
在眼蠹簡能娛情九夷亦何陋四海皆弟兄

舟至都昌初見廬阜連日陰雨忽爾晚晴雲氣
頓收岩壑盡出截然蒼翠立乎巨浸之中真天

下之奇觀也遙望欣然酌酒賦詩

久思廬山游忽至左蠡曲倚船初一望秀色盈我目百
里堆翠黛千峰矗寒玉陰雲知我來收斂入山腹須臾
變光景盡出一山綠宛如几案間青銅鑄岩谷又如墻
壁上古畫掛圖軸水光晚蒼茫風氣秋肅穆明朝南康
岸艤棹陟山麓懽喜不自持一杯醉醺醺

和許總卿

孔明屢出師常苦糧食少公今主邊計積粟丘阜小卧

欽定四庫全書

漢淵集
卷一

上六

龍志空大流馬功竟杳當時若得公大事指顧了
從來方面貴體尊吟詠少君侯七尺軀詩膽看更小句
如星斗爛氣與雲天杳詞源倒三江傾瀉何時了
我登峨嵋山偉觀天下少觀公驚俗句更覺嵎山小短
章鋒斬絕大篇氣深香紙弊墨色渝讀誦不能了

贈襄陽帥吳彥猷

令威千歲歸城郭尚如故我今還故鄉陵谷亦易處荆
榛荒穢蹊溪壑改新路城中十萬家碧瓦生煙霧茅茨

變閭閻舊屋無一柱相逢訪親舊十百不一遇豈無新
人民往往皆旅寓元帥念疲瘵撫養若稚孺近聞田里
間稍稍復逃戶會當一二年功效見生聚但愁鋒車來
追詔不容住努力慰斯民望公若竿枯

出疆次副使淮陰舟行

丁年慕請纓白首翻攘袂輶軒遽憑軾魏闕頻回睇兩
淮輕戰爭萬物皆憔悴雲繁雪霰舞風猛波濤沸椎凌
僅通航鼓夜無停柁依櫂聞喜鵲酌學烹鮮齎出塞那
復古涉川今已利一節誰與持同舟心靡異奮身徇主
憂圖國忘私計昌黎去懷妾定遠老思妹高情獨無戚
慧眼不留翳豈惟詩家豪抑亦文武備開館昔登瀛奉
車元起沛君遭功名迫我堪閒散置他年洛下吟憶君
徒擁鼻

投座主張子猷給事

東風入雕檻百卉無不花一經造化手各若矜春華主
人最好事護養從萌芽澆灌與封植恩光無等差其間

一本尤所喜欲售千金貴無比君不見洛陽好事丞相家
曾剪姚黃貢天子

送賈可封隨郭帥還西城三十韻

峴山之陽漢江浦黃花九月迷村塢故人船上初識君
白酒黃鷄對樽俎坐中意氣最相親便許論交輸肺腑
君時方壯我尚少杯酒相逢各豪舉欲傾滄海入壺觴
不覺風雲先笑語烟塵回首暗鄉縣避地偷生兩羈旅
西城邂逅正春風南鄭流離共秋暑扁舟東下一沾巾

欽定四庫全書

漢書集
卷一

十八

漢陰渡頭天欲雨君留蜀漢我甌越關塞悠悠路修阻
每悔昔日但辛酸欲寄好音誰付與日邊失喜雙眼明
一笑恍然相勞苦久經喪亂喜強健語及艱難更悽楚
離合悲歡二十載往事傷心那可數酒後清狂不復能
鬢邊白髮今如許向來驥子未總角今與爺長秀而撫
文學斬然已老成吾徒之衰固其所君才磊磊多大畧
胃次縱橫襟文武當年上疏請長纓欲奏膚功效吉甫
馳驅慷慨感知已十年上佐留邊圉一從捧檄傍紅蓮

幾為臨戎揮白羽元戎入覲載輜車榮勲進秩光賓主
王卿合作水衡丞度杲復入將軍府胡為側翅尚隨人
千里長城賴裨補汾陽僚吏多將相家聲盛事今猶古
致身富貴真未晚唾手功名不難取豈惟出幕看旌麾
會是封侯裂茅土炎歆六月三吳路海氣昏昏暗天宇
驪駒已駕不可留憂緒中來密如組亦知遠送終別離只
有加餐相贈處雙魚莫厭遠書頻從此西風日傾佇

次韻陳庭藻赴天申燕詩二首

欽定四庫全書

漢書

十九

紹興聖主垂衣裳倬然文治昭天章已聞華封祝堯帝
豈但畏壘歌庚桑千秋此日紀佳節萬歲群臣稱壽觴
簾前宮扇交翡翠仗下寶馬屯飛黃昭容引儀近日月
御史執法嚴風霜九賓無譁臚句肅劔珮儼雅趨侯王
一聲鳴蹕轉朱輦千官賜宴趨文昌湛露尊疊均渥澤
薰風絃管迎休祥浩唱充庭雲不動繁花壓帽春風光
可憐懽聲正四合不覺暮色來蒼蒼軒騎散去九衢開
朝衣醉滴餘淋浪小臣病著不能起但聽廣樂風聲長

天申上壽開明堂羣公祝聖多新章不問南山成帶礪
要看東海生禾黍君恩中臺燕百辟金罍兕觥雕玉觴
飯抄香粳雲子白酒寫法釀鷺兒黃宮衣拜賜近端午
輕疊香羅如雪霜功臣影甲奉朝請貂冠裁裁來異王
中興盛事須記述樂府宜得張文昌感寓諸孫今列宿
詩鳴省戶為時祥每逢朝家有慶瑞輒以篇詠獻休光
腐儒白首謬通籍博士一經慚后蒼敢陪詩人論風雅
祇與漁父歌滄浪昇平頌聲還大手白傳才力兼諸長

欽定四庫全書

漢書

二十

詞源圖

著作之廳屏十幅恠石滄江莽相東恍然坐我三峽傍
洶洶奔流欲頽屋不知狂瀾何處回壯哉萬頃納一杯
自從此畫出名手海潮不復聲如雷一時文士羅東觀
波濤入筆驅河漢逍遙捫腹日來看更得丹青助揮翰
我本儒中山澤癯烟蓑祇合老江湖煩將一段好東絹
畫箇漁舟釣雪圖

王鈐轄出示乃祖兩令公畫像求詩為賦長句

藝祖開基登九五駕馭羣雄走龍虎五十餘年到章聖
將帥名臣猶接武王家再世蒙休光父子繼踵仍騰驤
我從諸孫見畫像絕世風骨何蒼蒼隋國令公溫如玉
方口豐頤秀眉目典型猶在想可知骨肉都勻肥不俗
小令公為隋國見比之乃父如瓌奇凜然滿面英豪氣
猶有酣戰驍雄姿百年神雋今已矣貌向丹青尚如此
虎頭不用著三毫燕頤須教飛萬里屹然立向廟堂間
可使邊人毛骨寒千載常存麒麟閣當年肯著駮駭冠
欽定四庫全書 漢書集 卷一 十
人物於今寧復有奇麗誰是功名手摩頭鼠目休求官
歸作山中耦耕叟

登大峩絕頂規圓相佛光成長句二十韻

我眉駿極西南著萬景莊嚴諸佛住高標天柱八紘張
雄鎮紳維百靈赴我來雨霽羣峯出正值春寒三月暮
上方解凍僧入岩遠俗來遊客填路藍輿牽挽六十里
梯棧高低三萬步魚貫攀緣筋力疲鳥騰陡絕神魂懼
行徑崖坂幾縈曲望即堪興莽回互錦里遙看丹底迷

雪山忽認屏間誤幽岩得照石發彩陰洞有聲雷蓄怒
楞伽仙音好鳥語梵羅綿界神龍護滄海潮回波浪平
藍田日暖烟霏布長虹欵放白毫光淡墨俄瞻紫金聚
應真飛錫衆共覩圓相攝身人自顧六牙白象恍當空
三足赤烏潛隱霧琉璃瓶瑩秋月白優曇花淨含曉露
瑞境旁連瓦屋起合成一界如相附神燈夜從九頂朝
散作千山無盡炷肉眼親觀佛會開凡軀恐逐仙風驚
欲尋傳說箕尾間休訪君平斗牛度便排閭闔陟高圓
欽定四庫全書 漢書集 卷一 十
擾擾人寰何足寓

次制帥所和前韻

聖主憂勤躬萬務英豪寧許山林住弓旌號召士無留
竹帛功名公所赴天表對揚容見晚坤維鎮撫歌來暮
雪山增重絕氛埃蜀道非難履平路分陝聊煩攄妙畧
束鈞已嘆迂高步朱幡撫俗遠民懷玉帳折衝荒服懼
羽檄不飛烽堠滅駿骨多收邊市互孔明七縱詎非長
戶牖六奇真不誤農狎其野無外憂馬騰子槽有餘怒

三陟絕微皆安安諸將雄師今盡護九重益友思直諒
四蜀新聲詠宣布帥聞方欲觀勲業廟堂行看精神聚
嗟我衰遲託末契辱公敦篤傾殊顧當年獻賦誦凌雲
上國承顏悅披霧禹門親親躍風雷堯陞初驚承雨露
龍顏下矚頓生光鳳翼高翔從此附稱身朝服曳青雲
滿袖天香攜寶炷九霄變化冥鵬升一紀光陰隙駒驚
綈袍雅意念張祿襦袴餘波依叔度他時入覲對金蓮
伴直應隨玉堂寓

欽定四庫全書

漢清集
卷一

二十三

再和

年將六帙諸衰具漏盡鐘鳴行不住一身許國銖兩輕
萬里攜家斗牛赴五羊大夫習勞苦三鱣先生嗟晚暮
分為一世數奇人踏偏九州多半路早歲嘗為梁甫吟
中途已失邯鄲夢窮通有命常自樂莊子窮亦樂通亦樂所樂非窮通
幽顯無慚方不懼郭象注莊子云幽顯無愧於心然後能獨行而不懼每讀商書
戒十愆不憂漢法干三互奔走頻驚使節光叨逾敢歎
儒冠誤車下奪牛任客疑水中見蟹從人怒怨恩肯效

兒女語正直猶希鬼神護平生事業在方冊將老精神
敝泉布九重德意日邊遠十萬師徒關外聚不令聖澤
皆下霑寧免吾皇尚西顧上為朝廷廣霖雨下令郡邑
清蒙霧乘輅無術漫觀風分陝維賢倚行露青天雲霧
昔曾披綠水芙蓉今密附郊垌小隊連後乘燕寢清香
同妙炷烏雀難偕鴻鵠飛駑駘暫逐驂驕驕目憐落落
王平子遇此汪汪黃叔度但憂溫詔趣公歸陰宇不容
孤迹寓

欽定四庫全書

漢清集
卷一

二十四

再和

珠璣百斛何人付公有詩筒來不住出塵秀句若霞摛
走筆豪篇逾響赴吟安一字不知老朝作十篇猶未暮
秋天鴻鵠翥浮雲平地驂騑驅熟路分憂制節綿萬里
餘事文章兼七步千軍獨掃人共驚八面俱來何我懼
力扛九鼎更安帖冒蟠萬卷森差互千言未困見縱橫
一點不加無謬誤音諧律呂鳳凰鳴勢薄雲天鵬鳥怒
流傳應有貴客售在處豈無神物護公詩高焰十丈錦

我詩麓窘一尺布公詩雄富百雉都我詩窮陋三家聚
行經北海恍自失出見西施羞反顧殘膏祇欲借鄰光
餘潤有如蒙曉霧君侯雅志和薰風聖主恩光深湛露
事業終期白日懸功名已見青雲附願公歸侍玉皇案
天香復與金童炷願公西取王母環雲車直指瑤池驚
要當都俞廟堂上豈久淹留井參度顧我塵埃不足論
屈曲世間隨所寓

許總卿見和再用韻

欽定四庫全書

漢書集
卷一

二十五

四紀才名淹世務七年符節坤維住張功屢有軍書來
超詔尚遲軺傳赴男兒功多投老遂烈士心豈隨年暮
松衫頂禿始于雲駿齟齬長方識路所臨遺迹記蕭規
相繼小巫窺禹步補公舊處信有幸顧我非才深自懼
轉粟飛芻驅蜀飯摘山市馬司邊互伐柯執斧固非難
依樣畫葫終少誤解牛毋歎妙肯縻養虎尤工時喜怒
駭北三千歸園師貌貅十萬安都護公家遺利悉桑孔
閭將歡心收戎布闕信增心烽燧遠邊儲入粟舟車聚

未歸左右展論思端為西南重憂顧漠北齊盟尋瞰日
斗間王氣纏非霧坐鎮全消玉塞塵召還應及金華露
佳句忽貽韶護作正音乃許已渝附畫哦蔬飯費三吐
夜誦筆燈殘一炷欲隨驢尾強爭馳豎到蟻封難並鶩
囊收甚謹加十襲筆舉復停知幾度試將風格比唐人
堪與拾遺參感寓

劉侍郎見和再用韻

欽定四庫全書

漢書集
卷一

二十六

大方廣佛三身具境號華嚴普賢住三千淨土毛孔吞
百億化身塵刹起底事眉山迹偏顯端由象法時將暮
三乘不起正信心一線湏開方便路將欲神變驚凡目
故歛光芒歸窟步示現雖同人異見開遮未判誰無懼
臂力遙擎妙喜來頂光近攝清涼互我來親覩未曾有
方審傳聞元不誤陽春正值風日好陰雨不逢雷電怒
入夢惟憂神鬼知乘危暗有龍天護招提問路方上征
世界當空先已布千林寂歷鳥聲少萬嶺奔騰雲氣聚
高峯初到甫休歇圓相俄驚成指顧一壺恍入物外天